

李翊灼著

勸發善提心論

了翁署

中華民國二十年十月初版

◎每册定價大洋壹角八分

(外埠酌加郵費)

著述者 李翊灼居士

校訂者 范古農居士

出版者 佛學書局

印刷者 天星久記印刷公司

總發行所 上海佛學書局

分銷處 各埠佛學流通處

分店：北火車站東首寶山路口

總店：閘北新民路中國慶路口

上海閘北交通路早橋西聯義里

# 勸發菩提心論

李翊灼著

緣起

石埭深柳大師者。近代之大善知識也。修禪丈室。維摩詰入一相之門。演教王城。跋陀和闍十玄之祕。既護生而法亦紹。聖而啓賢。於是撰集法藏。鐫布神州。著述玄文。開通愚學。摩訶那鉢。常以香光莊嚴。梅怛利耶。恆攝普賢行願。作迷流之寶筏。爲闇夜之明燈。攝化妙而無方。本迹玄而莫測。猗歟如大師者。蓋靡得而言矣。翊灼多生緣會。積劫修持。獲傳法筵。親承祕要。迷雲乍啓。知心月之本明。貧子初歸。識家珍之具足。誠所謂生我色身者。父母活我慧命者。大師也。曇華難值。嘉會難逢。幸遇明師。願常住世。迺民生多厄。世運潛移。蒼鵝之兆。欲萌赤烏之機。先應大師化緣。甫畢成功。弗居順大化無冥而冥。以衆生有病。

而病。歲惟辛亥。時屬仲秋。白月既圓。赫曦乍晡。華臺遍界。遂乘本願。西歸佛號。一聲竟與大空同寂。是時也。山騰川浹。天淚人啼。慧日潛輝。妖星銜彩。於戲。昊天不弔。蒼生何辜。奪我智珠。攘我法炬。導師忽逝。悲大道之迷離。詰人云亡。慟三界之殄瘁。茫茫天意。哀哀人事。豈不鬱伊動魄。悽愴傷心者哉。翊灼于役。京華枚經。蕭寺匪雞。峰之入定。似螺髻之牽纏。最後之供養。不申中夜之遺教。弗與椎心生咎。嗟未報夫深恩。蒿目何言。誓終承乎丕業。遂乃屏緣止靜。息慮闡微。研求繼志之方。選擇覺情之法。綜稽三學。廣會五乘。抄撮聖言。著爲略論。釋自心體。相開真源。不二之門。辨發趣因。緣示成佛惟一之道。善巧方便。令簡妄而觀真。祕密加行。勸持明而結契。俾如法修習。疾得本心。倘相應圓通。速成正覽。可謂明心之宗鏡。證聖之寶階。蓋開文於中秋。絕筆於元朔。歷時十五日。成書二萬言。假章句以作法。施回功德而等汝性。仰維師教。敢曰酬恩。自竭愚誠。

聊云釋意。嗟夫。一心無量。萬法緣生。智者何爲。愚人自縛。澄澄覺海。狂迷棄之。而認一浮漚。擾擾塵勞。聖哲因之。而入一法界。是知妄真同幻。迷悟在人。見有偏圓。根無利鈍。悟心無二體。何自何他。覺法爾一如焉。真焉。俗原無縛。脫證果。豈必三祇假號。聖凡了本。只惟一念。凡愚不知斯義。自棄本明。因能照而立塵。依所迷而起執。妄生分別。欲心外以求。知強立名言。向夢中而責實。遂至衆生相續。受十二類虛妄之輪迴。同體自殘。成八萬種顛倒之業。苦由是輪王不作。我佛興悲。一大因緣。示衣珠之自在。五時法教。明鏡像之無爲。使知諸法本有。不生自證。卽佛十界緣成。如幻尅體。惟心法雨。慈雲旣無邊。而普潤焦芽邪種。遂一漚而同霑。可謂業海舟航。載援載渡。寧異幽途。日月爲救。爲歸泊。乎應化已周。運緣隨轉。法王宴駕。大士登壇。馬鳴與龍樹齊芳。無著共天親並美。或明顯密之教。啓發心門。或宏性相之宗。圓成心義。或譚開四辯。體本宣揚。或論造



千。章。依。文。解。釋。莫。不。普。窮。法。相。會。極。心。源。既。而。象。教。陵。夷。真。人。隱。闕。惟。心。之。義。  
不。著。去。執。之。法。誰。研。習。教。者。類。乎。書。魚。參。禪。者。墮。夫。漆。桶。致。使。人。人。本。有。之。寶。  
藏。掩。於。情。塵。佛。佛。共。唱。之。靈。文。疑。爲。魔。說。法。幢。欲。折。誰。摧。外。道。之。邪。林。見。網。普。  
張。孰。斷。苦。輪。之。惡。果。當。斯。澆。季。哀。彼。黎。元。不。有。良。方。焉。除。沈。痼。茲。論。標。陳。心。要。  
直。指。法。源。言。約。義。豐。理。玄。文。質。應。求。與。樂。等。如。意。之。神。珠。破。執。斷。邪。擬。金。剛。之。  
慧。劍。作。衆。生。不。誦。之。友。善。導。以。入。於。寶。山。爲。今。日。救。世。之。軍。神。威。而。靖。夫。魔。域。  
所。願。見。聞。之。者。獲。免。忘。窮。智。慧。上。根。因。指。得。月。捨。詮。契。理。各。隨。物。以。悟。心。除。障。  
發。光。盡。卽。身。而。成。佛。馳。求。永。息。一。切。成。大。日。之。尊。萬。善。同。歸。十。方。皆。妙。華。之。刹。  
翊。灼。叨。生。中。國。幸。值。勝。緣。念。法。會。靡。常。慨。心。燈。欲。滅。自。忘。固。陋。略。述。見。聞。冀。爲。  
藥。石。之。攻。聊。當。芻。蕘。之。獻。管。窺。蠡。測。博。練。多。慙。玄。覽。高。賢。匡。糾。是。賴。以。斯。善。利。  
普。施。含。靈。同。得。本。心。共。宏。法。化。則。大。師。之。偉。業。遮。幾。不。墜。云。爾。

釋迦文佛應世二千九百三十九年歲次壬子秋七月朔臨川李翊灼叙記

科目

述意

本論

勸發因緣分

(甲)總因緣

(乙)別因緣

(一)法界體性因緣

(二)衆生同具因緣

(三)諸佛本地因緣

(四)佛教緣起因緣

(五)報諸佛恩因緣

(六)報衆生恩因緣

(七)度一切苦因緣

(八)破外道迷因緣

(九)抉擇行願因緣

(十)立功德本因緣

菩提心相分

(甲)釋義

(一)孔阿字本不生義 (二)如實知自心義

(乙)辨相

(一)行願菩提心 (二)勝義菩提心 (三)三摩地菩提心

發心行相分

(甲)總說

(乙)別開

(一)發心因緣相

總

別



(子)因 (丑)緣

(二)發心方便行相

簡除非心方便

(子)釋義

(丑)辨事

(一)簡除異生羝羊心

(二)簡除愚童持齋心

(三)簡除嬰童無畏心

(四)簡除唯蘊無我心

(五)簡除拔業因種心

(六)簡除他緣大乘心

(七)簡除覺心不生心

(八)簡除一道無爲心

(九)簡除極無自性心

開發妙觀方便

(子)釋義

(丑)辨事

(一)正因菩提心觀

心實相觀 鏡輪觀 月輪觀 日輪觀 孔阿字觀

(二)根本大悲觀

(三)方便緣生觀

釋義

辨相

(甲)如幻

(乙)陽炎

(丙)夢

(丁)影

(戊)乾闥婆城

(己)響

(庚)水月

(辛)浮泡

(壬)虛空華  
(癸)旋火輪

加持密行方便

(子)釋義

(丑)辨事

(一)總示

(二)略出瑜伽中三密相應發菩提心成佛儀軌

(三)正發心相

發心功德分

(甲)釋義

(乙)證文

讚願無量分

(甲)讚嘆無量頌

(乙)宏願無量頌

勸發菩提心論



# 勸發菩提心論

佛金剛乘弟子臨川李翊灼撰集

皈命普賢菩提心

自覺內證真實智

皈命毗盧遮那佛

自心流出諸如來

皈命清淨真言藏

自證如實法性海

皈命不退菩提衆

自體一切摩訶薩

惟願神力加持我

令我善說菩提心

如師子吼迦陵音

普導衆生入佛智

問曰。造頌何意。答曰。三世諸佛而勸一切衆生發菩提心。直趣菩提法。今欲演說利益世間。故先皈命請加也。問曰。此勸發菩提心門。釋迦如來方等顯密法教中。旣已宣演。馬鳴龍樹（卽龍猛）無著天親蓮華戒彌勒等諸大士。乃至金剛智善無畏一行不空等諸阿闍黎（譯云軌範師也）僧肇智者賢首慧



沼。永明壽省庵賢等諸古德。又復造種種論說。靡不指陳覈奧。揮發精英。美矣備矣。復何贅焉。答曰。此有多意。旨非贅陳。佛二代教。浩如瀚海。菩提心義。散入三藏。難可檢閱。違言修學。後代諸德。所造論說。立宗雖一。對機則殊。攷其義趣。往往因應當機。隨宜標異。智者於斯。固得冰釋。愚者妄執。何能擇行。今欲導啓下愚。輔成上智。故特稟承佛意。融貫祖言。重開般若之門。抉擇菩提之道也。問曰。此勸發菩提心門。既云心力不可思議。則宣說此法。皈心卽得。何假普皈三寶。求請加持。答曰。以二緣故。一者。三寶由菩提心而得成就。三寶加持之力。卽是菩提心真實力。自他不二義故。二者。我今以凡夫身。雖發菩提心。未盡惑業。演說深法。不求加被。非力所堪故。問曰。身爲凡夫。未盡惑業。寧得說法。以駭聽聞。答曰。聖有明訓。故涅槃經云。師子吼者。是決定說。一切衆生。悉有佛性。寶篋經云。猶如迦陵頻伽鳥。王卵中鳥子。其觜未現。便出迦陵頻伽妙聲。佛法卵中。

諸菩薩等。未壞我見。未出三界。然能演出佛法妙音。謂空無相無作行音。又攝論云。初修觀。則是凡夫菩薩。準斯理趣。凡夫故。亦得說法要。教化世間。况今演說勸發一切衆生所同具足菩提心義。尤爲決定說。大師子吼。正合佛語。無可疑畏也。既釋頌意。語陳正旨。此勸發菩提心義。說有五。云何爲五。一者勸發因緣分。二者菩提心相分。三者發心行相分。四者發心功德分。五者讚願無量分。

初說勸發因緣分。問曰。以何因緣故。勸一切衆生發阿耨多羅三藐三菩提心。答曰。是因緣有二種。一者總因緣。二者別因緣。總因緣者。所謂爲令一切衆生發菩提心。生正知見。直趣菩提。不求餘果。因果相應。速離邪妄。得究竟樂。非求世間名利恭敬故。別因緣者。具說無量。總略爲十一者。法界體性因緣故。三世一切有情無情理事法界。無不原本菩提心。而以菩提心爲之體。若無此心。一

切法界則無所依。云何而能現起種種麤妙器業。則此世界久已斷滅。云何而有今日種種形相。若謂斯等起滅。不必由體。體尙自無。甯有相起。相猶不生。况復成用。則是兔角龜毛。世間寧復有此事。物云何而以喻現前境。若謂斯等不必定本菩提心。及以菩提心爲體。則世界中諸有情類。視聽言動。造種種業。靡不由其妙心想生。而彼此心非從他得。又復無情土木金石。乃至小草。亦能自受地水火風空時六緣而自生育。苟非體本菩提之心。則斯理趣云何解釋。况復世間體性。惟其二種。所謂真妄。或名覺迷。菩提之心。自性清淨。能起諸善。故名爲覺。覺則無妄。故復名真。無明之本。既無自體。復障諸善。故名爲迷。迷則不真。故復名妄。今謂斯等不必體本菩提真實之心。豈復當本無明迷妄之性。則此世界體既迷妄。甯有相用。一切衆生及諸人類。乃墮斷滅。如石女兒。云何而能造種種業。若謂真妄兼本。則體性陵雜。世界云何得成安立。若謂於真妄外

復得一法能生法界。則是執十九界。因七塵合。甯待智者而斥其非。是故應知一切諸法。悉由菩提心生。無可疑者。華嚴經云。心如工畫師。能畫諸世間。又云。若人欲了知。三世一切佛。應觀法界性。一切惟心造。又云。菩薩摩訶薩。知三界唯心。三世惟心。而了知其心無量無邊。今準斯義。當勸一切衆生發菩提心。證是體性也。二者衆生同具因緣。故十方世界一切衆生。種種形類。種種色欲。種種知見。種種意行。雖各各差別。一一無量。而其受業繫苦。隨境輪轉。則無有異。境逆則憂。境順則喜。聞善則樂。聞惡則瞋。逆順善惡。雖復時有倒計。而彼憂喜樂瞋相應之念。悉如響應。無有前後。除大智者。經歷前境。念不動搖。餘無能者。由是可知一切衆生。其念平等。而求念本。則由清淨菩提心海。爲無明風動。生八識瀾。彼諸念波。依之而起。是故一切衆生。念本菩提。念平等故。其菩提心亦皆平等。各各圓具。無有欠缺。衣中寶珠。自家珍藏。但發意求。不從外得。爲誰迷。